



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

De materiis Meditationis propriis incipientibus & quidem primò
considerationes de peccato

[urn:nbn:de:hbz:466:1-46004](#)

continuò fovendi intimum & purissimum di-
vinæ Majestatis suæ amorem : Illæ tamen ma-
teriæ non ita sunt uni statui propriæ , quin al-
teri , certis in occasionibus , & juxta diversas
cujusque dispositiones , possint inservire : sa-
tis enim contingit frequenter , ut Novitii satis
efficaciter se sentiant à Deo tactos , ideoque
non sine fructu materias proficientium aut
etiam perfectorum proprias assumere possint
meditandas. In pluribus è contra occasio-
bus perfectis necessarium est , ut ad considera-
tiones incipientibus proprias descendant , eò
quod , quantumvis sint perfecti , suas nihilo-
minus in parte inferiori experiantur repugnan-
tias & luctas , & in superiori plura expurganda
ac regulanda advertant : ea de causa omnino
necessæ est , ut Novitii in omnibus , quantum
ad materiarum meditationis suæ delectum ,
Magistri ductum & ordinationem sequantur.
Interim tamen hic nos , paulò quam capite
præcedenti enucleatius ac specialius , quæ-
dam puncta principalia , quorum possint con-
siderationi insisterे , idque omnino juxta tri-
um classium supradictarum ordinem , dedu-
cemus.

*De materiis meditationis propriis Inci-
pientibus ; & quidem primè con-
siderationes de pec-
cato.*

I. **P**rima classis est *Incipientium* , in qua si
quis meditari velit de peccato in generali ,
considerabit.

I. Quid

1. Quid sit peccatum in seipso acceptum, esse videlicet horrorem omnium horrorum, & abominationem omnium abominationum, nihilque aliud nisi corruptionem & inordinationem, malitiam atque ipsam improbitatem, imò esse pejus nihilo, quia multò satius esset nunquam extitisse, quam peccasse.

2. Peculiarius peccatum est à versio à Creatore, & conversio ad creaturam, formalis rebellio, & expressa prævaricatio præceptorum divinorum, quantumvis æquissimorum, non minus quam facilius. Ex quo nascitur, quod peccatum committere, sit committere incredibilem indignatatem, quæ peccatorem reddit infinitè abominabilem Deo, qui omnigenitulus & nominibus dignus est, cuius præceptis obtemperemus.

3. Considerabit funestos effectus, quos in anima peccatoris producit. Primum enim illum spoliat gratia Dei, & jure quod habebat in æternam beatitudinem. Secundò illum exuit omnibus omnino meritis. Tertio illum constituit diaboli mancipium, idque modo multò funestiori ac lamentabiliori, quam sint illi, quorum corpora à dæmonibus sunt possessa.

4. Quam rigorosè Deus ipsum puniat, videlicet non nisi pœnis æternis, quæ quidem pœnae non solum infliguntur illis, qui aliquam admiserunt peccatorum multitudinem, verùm etiam iis, qui non nisi unicum, idque cogitatione fortassis tantummodo absq; operis ipsius effectu, commiserunt.

s. Dein-

5. Deinde reflectet se super his, quæ ipse commisit, considerando illorum multitudinem, atque enormitatem, nec non & pœnas illis debitas.

6. Contendet veram de illis elicere contritionem, factaque fortissimâ omnia peccata imposterum] morte ipsâ amplius fugiendi resolutione, illius propositi sui exequendi media inquiret.

Eundem quis servare poterit ordinem, ubi de aliquo in particulari peccato voluerit meditari, addendo considerationem virtutis illi opposiræ, ut, per illam peccati deformitatis cum virtutis pulchritudine oppositionem, illius horror melius & clarius perspiciatur, & quotquot in virtute bonos effectus, insignesque adnotarît proprietates, tot è contra in opposito peccato concludet esse effectus malignos ac deformitates. Parum attamen considerationi peccatorum castitati oppositorum oportet insistere, propter periculum, quod hac in materia reperitur.

Peccata communiter bifariam dividuntur. Primò distribuuntur in quatuor classes, putâ cogitationis, locutionis, operis & omissionis. Secundò considerando illa aut prout sunt contra Deum, aut contra proximum aut contra nosmetipso. Quælibet istarum classium aut divisionum poterit materiam meditationis suggerere, ita videlicet, ut unâ quis die consideret peccata, quæ commisit cogitatione, alterâ quæ locutione, & sic de aliis.

2. *Considerationes, quæ pertinent ad notitiam suipius.*

Considerare quis poterit primò , quid sit in statu naturæ, deinde quid in statu gratiæ.

1. In statu naturæ nihil sumus ex nobis meti plis, quia totum esse nostrum à Deo solo recepimus , postquam per totam æternitatem omnino nihil fueramus.

2. Hoc ipsum esse, quod habemus, adeò est imbecillum , ut si Deus , qui ipsum nobis dedit , continuo conservationis beneficio illud non sustineret , mox in nostrum nihilum recideremus.

3. Quin & nosmetipsi adeo in agendo sumus debiles , ut, nisi Deus in qualibet actione nostra concursu suo generali opitularetur , ne vel manum possemus movere.

4. Quantum ad animam , ignorantia sumus pleni, nostrarumque subjecti bello passionum, quibus frequenter succumbimus , atque ita à virtutis non raro superamur.

5. Quantum ad corpus, illud est in præsentibus plenum immunditiis , & aliquando escavatum erit.

In statu similiter gratiæ considerare quis poterit,

1. Quod si illam habeamus, non habemus nisi ab infinita Dei misericordia , qui nobis illam nullo tirolo debebat, qui que de facto pluribus illam Regibus, Monarchis & Magnatibus , qui illam nobis etiam amplius promeriti fuisse videri possent, denegavit.

2. Nos

2. Nos nulla ratione possumus in statu gratiae perseverare, nisi ille, qui in eo nos collocavit, Deus in ipso nos incessanter conservet.

3. Ne vel minimum virtutis cuiusvis elicere possumus actum, absque speciali bonarum illius inspirationum, & sanctorum emotionum subsidio.

4. Deinde super seipsum se reflectens ex-pendet, quantum ipse sit in illis ipsis gratiarum subsidiis correspondendo infidelis, quotque sit imperfectionibus subjectus, atque ita quan-dam quasi coram Deo confessionis speciem ef-ficiet.

Demum ex omnibus considerationibus istis elicere poteris exiguum, omninoque vilem tuimet ipsius existimationem, ac deinde con-funderis de illa, quam hactenus aliquatenus prætulisti, præsumptione, omninoque statues nihil imposterum per vanam gloriam tibimet-ipsi attribuere, verum ad Deum, boni omnis authorem, omnia, quæ in te videri bona pos-sent, referre.

3. Considerationes de Morte.

1. **C**onsiderabis quid sit mors : animæ vi-delicet à corpore separatio, quæ necesi-tatio aliquando, infallibiliterque eveniet.

2. Quam incerta sit mortis hora, sicut & mo-dus, quo nos illa invadet, subito videlicet an ex præmeditato.

3. Dolores, terrores, & horrores, qui il-lam solent prævenire.

4. Tentationes, malæ vitæ pœnitudines, ac Dei judiciorum metus, quæ illam comitantur.

5. Denique felicitatem aut infelicitatem, quæ illam subsequuntur, quæ quidem incerta cùm sint, animam in desperationem penè adducunt.

6. Reflectes te supra negligentiam vitæ præteritæ, emendationisque propositum concipies, atque ad eum modum vivere imposteriorum statues, ut semper ad moriendum paratus existas.

Unum alterumve horum punctorum integræ meditationi materiam omnino sufficien-tem præbere poterit.

4. *Considerationes de generali
judicio.*

Sol obscurus. Considerabis terribilia signa, quæ ipsum rabitur & præcedent, prout Christus ea prædixit. *Luna non dabit lumen suum.* *& stelle cadent de celo.* *virtutes cælorum commovebuntur.* *Mattb. 24,29.* Considerabis terribilia signa, quæ ipsum rabitur & præcedent, prout Christus ea prædixit. Luna non dabit lumen suum. & stelle cadent de celo. virtutes cælorum commovebuntur. Mattb. 24,29.

2. Resurrectionem universalem omnium hominum ab Adamo ad ultimum usque posteriorum illius.

3. Congregationem omnium creaturarum; omniumque nationum ante tribunal Christi sonitu tubæ factam citationem,

4. Distinctam conscientiarum omnium, omniumque, quæ unquam patrata fuerint, peccatorum, simul cum omnibus suis circumstantiis manifestationem.

5. Rigorem ac severitatem judicis, qui nullius, nisi idipole promeritus fuerit, miserebitur.

6. De-

6. Definitivam ac peremptoriam sententiam judicis, à qua non liceat appellare, quæque eodem statim momento executioni mandetur, ubi, justis in paradisum receptis, peccatores in inferni abyssum præcipites deineruntur.

7. Tandem supra vitam tuam præteritam, quantum necesse fuerit, reflectes, fortiterque illam emendare tibi propones, eo modo, quo in aliis materiis fieri debere jam monuimus.

5. Considerationes de Inferno.

1. **O**b oculos tibi propones terribilem locum istum, qui est vasta quædam concavitas in centro terræ sita, plena flammis, formidabili quadam ac terribili activitate damna-torum corpora adurentibus, nec tamen consumentibus.

2. Considerabis alias pœnas sensibiles : singuli enim illic sensus sua peculiaria sustinebunt tormenta, præter verinem conscientię, quæ erit æterna quædam pœnitudo de cœli amissione, continuusque de admisso peccato remorsus.

3. Peculiarius oculi horribili terrebuntur visione dæmonum ; aures fragorem audient, terribiliumque plurimarum vocum confusio-nem, sicut & blasphemias, clamores, ululatus &c. odoratus fœtores percipiet horrendos ; Lingua potabitur felle omnibusque quam maximè abominabilibus venenis.

4. Istarum pœnarum æternitatem. *Quia vermis eorum non moritur & ignis eorum non Marc. 9.
extinguitur, inquit Christus Salvator noster. 43.*

Apoc. 19. Et ascendet fumus eorum in saecula saeculorum,
30. adjungit sanctus Joannes Evangelista.

5. Tandem produces & reflexiones & re-solutions necessarias, atque ad fructum ex his considerationibus speratum eliciendum op-portunas.

6. Considerationes de aeterna gloria.

Platea &c. 1. **L**ocum tibi exhibebis illi, quem supra de-muri ejus ex auro purissimo, porta ni-

tent mar-nunquam deficit vel obscuratur. Auro est pu-garitis rior, chrystallo lucidior, ubi felix regnat im-mortalitas.

*Inebria-
buntur ab
ubertate
domus tua
& torren-
te volu-* 3. Anima illic inebriatur incomprehensibili felicitate, quia intellectus portet clara Dei visione, voluntas vero illius fruitione, amoris ampliusq; quam quis unquam sit expertus penetranti, sociatâ.

*ptatis tua
potabis eos
Pj. 35. 9.* 4. Corpus illic plenum gloriâ Solis instar fulgebit, & quatuor donis, impassibilitatis, subtilitatis, agilitatis & claritatis beabitur.

*Tunc justi-
fulgebunt
sicut Sol
in regno
patris sui.
Matth. 13.* 5. Quinque tensus omnibus, quarum qui-dem capaces fuerint, recreationibus perfunden-tur, idque singulari quadam cum puritate ac spiritus elevatione, quae Deo semper illos reti-nebit unitos.

*Erunt
sicut An-
geli Dei
in eæle.
Matt. 22.* 6. Gloriofa electorum omnium, sicut & beatorum spirituum, societas non parum ad laetitiam paradisi conferet, potissimum vero aspectus & societas sacratissimæ humanitatis Salvatoris nostri, & illius sanctissimæ matris.

30.

7. Tan-

7. Tandem reflexiones elicies & resolu- Beati im-
tiones necessarias, ad fructum concupitum ex maculati
istis considerationibus percipieendum accom- in via.
modas. tanquam

si diceret,
si vis esse
beatus,
esto im-
macula-
tus. D.
Aug.

Quantum ad ea, quæ de quatuor novissimi-
dicta sunt, adiri poterit Catechismus noster
in quo abundantissimam meditationis mate-
riam quis inveniet.

CAPUT IIX.

*De aliis meditationum materiis
proficientium propriis.*

Diximus jam superius proficientibus ordi-
nariè meditandum esse de virtutibus, de
vita, miraculis & passione Salvatoris nostri,
de sanctissimo Sacramento, de vita B. Virginis,
de exemplis Sanctorum, de votis ac regulis Re-
ligionis, de sententiis sacræ Scripturæ, & aliis si-
milibus argumentis illorum intellectui in via
Dei magis magisque illuminando accommo-
dis.

1. *Consideratio de virtute in genere. Causa.*

SI quis igitur meditari voluerit de virtute in 1. Exem-
genere, considerabit plaris.

1. Illius naturam, putà quod sit sanctus qui 2. Effici-
dam habitus, excellens qualitas, certum orna- ens.
mentum, perfectio & decor animæ, eos, qui Qui deficit
illam possederint, felices reddens, atque ad sibi, ut
bene opcrandum disponens. virtuti
adhæreat,
amittit,

2. Causas illius. Est enim excellens quæ quod suū
dam participatio & imitatio alicujus perfectio- oft. accipit
nis Dei, nobilissimusq; gratiæ Spiritus sancti in quod ater..
animabus nostris relæctus effectus. num est.
D. Amb.